

太原府志卷四十八

寺觀

古無所謂寺觀也有之自漢始金人入夢白馬徵靈蹠氏祀神上林立觀自時厥後梵宇琳宮仙壇道院指不勝屈雖歷代相沿間有興廢然而踵事增華日新月盛矣夫過墟生感見形懷畏雕刻土木模範神鬼瞻之者每足以震懾其邪心寺觀之建或以神道設教之意乎志寺觀

陽曲縣

壽寧寺在臬署西宋大中祥符年建有真宗御製碑記字多剝落殿宇多圯

國朝康熙五十二年按察使岳岱重修後增建千佛閣給

太原府志

卷四十八

寺觀

一

事中鄭崑璽記土人名大鐘寺 朱彝尊集宋太宗書庫碑大中祥符四年真宗御書勒石在太原府壽寧教寺碑爲風雨崩剝其半没土中歲久盡蝕文凡二千餘言僅存數百字陰石尤泐所可識者有太宗御製文集四十卷又集一十卷怡懷詩一卷廻文詩一卷逍遙詠一卷至理勤懷篇一卷棊勢圖琴譜各二卷蓮花心漏廻文圖若干卷雜書扇子一百三十六柄雜書簇子七百五十三軸今尤剝落不可辨

按舊志宋祥符間建寺真宗御製碑記是碑爲建寺作也而碑記不存裁存太宗書庫碑錄之以志遺蹟云爾

崇善寺在城東南隅舊名白馬寺後掘地得石碣復改名

延壽明洪武初拓築新城於寺外十四年晉恭王薦母高皇后卽故址除闢南北袤三百四十四步東西廣一百七十六步建大雄殿九間高十餘仞週以石欄迴廊一百四楹後建大悲殿七間東西迴廊前門三楹重門五楹經閣法堂方丈僧舍厨房禪室井亭藏輪具備南陰有瞻寺地四十頃洪武間置僧綱司成化十六年增葺晉莊王撰記正德丁丑僧繼然重修郝本記嘉靖三十九年重修題曰白馬存延壽故址孔天孕記內供大士文殊二畫像出自晉藩相傳吳道子筆西井樓南有大古碑高一丈廣七尺螭首五尺臥土中初名宗善寺僧不能久居堪輿家增山字遂名崇善土人名新寺

文殊寺二一在西蕭牆角明萬歷丁巳僧如安重修萬砥

太原府志

卷四十八

寺觀

二

記崇禎七年晉王重修并建白衣殿尙時彥記一在鄩都村元至正間重修

報恩寺二一在前所街舊名鴻祐宋元豐七年建李單子嘗寓此後建通明閣於前百步寺遂廢明正德間河東王重建改今名崇禎間增修河東王撰記一在城北隅舊爲通政參議裴希度別墅闖賊逼太原裴母范氏盡節於井希度因改爲寺亦名報恩大學士胡世安撰碑彌陀寺二一在大南門西金大定四年建明洪武五年重建

國朝康熙四年巡撫楊熙重修一在南市西爲小彌陀寺指揮陳彬家佛堂寺西有古漆井

崇眞寺在大南門內元至正間建明成化嘉靖間繼修

普光寺在七府營街漢建安間建唐初賜名普照以金相
上有普照王字從僧伽之請也中宗避天后諱改今名
宋元豐六年河東安撫使呂惠卿爲僧求迦葉書偈寺
中碣石尚存元時大寶法王嘗棲此明初西域神僧板
特達從晉恭王之國住寺中宏治間梁魔頭圓寂於此
內建影堂有遺像影堂前有圓通殿爲古觀音海會嘉
靖初相傳呂仙至此遂名爲迎仙院萬歷己酉年五臺
山僧人憩寺中尅日坐化土人又傳寺歷百年出一異
人永樂間重修嘉靖三十四年晉簡王修萬歷甲寅晉
裕王修影堂而移板特達於後崇禎五年晉王撰碑銘
國朝康熙五十二年重修後院五十八年又建山門雍正
三年建鐘鼓二樓有匾額三曰晉光第一地曰歡喜地

太原府志

卷四十八

寺觀

三

曰菩提德本明晉藩文思堂書

開化寺在開化寺街晉廣昌安僖王禱母病於此病愈表
賜今名發帑金命中貴安澄修天順丁丑嘉靖戊子繼
修寺貯全藏明末散佚棟宇亦頽

國朝康熙三年巡撫楊熙倡修補繕全藏

熙寧寺在羊市路南

國朝康熙十四年建

善法寺舊在南門外菜園村西明崇禎十二年僧鎮隆建
名南十方院接待寺

國朝康熙元年移建菜園官道東改今名雍正四年重葺
太平寺在水西關

國朝初建

圓通寺在北關明洪武間建景泰七年修隆慶六年僧圓通繼修

國朝康熙二十年知縣戴夢熊重修

善安寺在城東門外明成化二十二年晉府承奉正張泰建晉王題額善安宏治二年河東王撰記今改名延慶按邑志延慶寺在城東安善禪寺在城北今考寺碑延慶卽善安志誤分爲二又訛善安爲安善城東爲城北今改正

永祚寺在城東南門外高岡明萬歷中釋佛登奉勅建慈聖太后佐以金錢造兩浮圖各十三層名曰宣文土人呼雙塔寺京山李維楨記登得舍利藏塔內萬歷壬子重九巡按蘇維霖考官郭士望王成得訪登觀舍利維

太原府志

卷四十八

寺觀

四

霖撰碑

國朝順治十五年重修康熙五十九年八月相傳塔頂有光大如重輪色紺碧移時方息云

千佛寺在城南十里狄村唐貞元間建金大定間僧清福重建明洪武間併慈雲芳林二寺爲一正統嘉靖間繼修

慈觀寺在城東南十里狄村明嘉靖間拓建

國朝順治間重修

白雲寺在城南十里紅土溝舊有淨業庵繇溝中鑿磴道上佛殿三楹奉釋迦思惟出山像三面陶穴以棲僧衆萬歷四年土人延僧圓喜住持王道行撰碑

國朝康熙二年僧天澤闢東畔地建寺清涼僧明豁撰記

康熙丙寅都司陸君興建藏經閣五楹四十六年僧平山重修遂成臨濟法席雍正九年僧了然重修建毘盧閣彌號閎整焉庵近狄村有古碑題曰白雲飛處蓋取唐書狄梁公傳語也巡撫圖納因改今名

大寧寺在城西十里西社村明宣德七年重修正德十一年再修王佩撰記

洪福寺二一在城東北十里辛村明洪武十三年建一在城東楊家峪明天啟三年重修胡良翰撰記

龍泉寺在城二十里桃園洞西土人名水峪寺

隆興寺在城西北二十五里張村元元貞二年修明成化間僧廣祥重修嘉靖十九年僧妙銳拓建二十四年僧妙琦撰記

太原府志

卷四十八

寺觀

五

長安寺在城東北二十里北窰村元泰定四年建明嘉靖十二年修有碑

懸泉寺在城西北五十里山中有泉從巖流下故曰懸泉寶林寺在羅公墳前松柏並茂景致清幽

治平寺在城西三十里狼虎山土人名狼虎寺元魏曇始禪師棲此內有曇始行狀碑宋大觀二年五月立石

慧覺寺在城西北三十里西村元延祐四年建明洪武間修併寶泉寺入焉正統十二年僧覺遇再修嘉靖十三年又修

崛巘寺在城西三十里崛巘山下呼延村唐貞元二年建額曰三教堂山上有多福寺即古崛巘教寺明宏治間更今名而山下寺遂專崛巘名矣嘉靖間重修萬歷二

十七年立石

多福寺二一在城西北三十五里呼延村西崛巒山舊題曰崛巒教寺明洪武間重建昔有閣黎汲水於汾淚滴如珠乃詣文殊告乏水命黑龍神護歸獲二龍池今寺有文殊閣黎殿閣萬歷戊申重建有碑記明侍郎張頤知縣梁之垣夏宏晉王朱求桂靖安王朱新環胥有詩明寺僧昌海與洪蓮義金稱三高士永樂中詔選赴京纂修大藏經授太原府僧綱司都綱云一在城南三里土堂寺二一在城西北四十里劉村金太和五年建舊名淨因內有土洞殊高敞名土堂有大佛像相傳一日噤霾山中隱隱有人聲曰我出忽山頽土洞中大佛現焉明天啟二年文世登撰碑張頤夏宏朱新環胥有詩一

太原府志

卷四十八

寺觀

六

在牛站門外東南

棗華寺在城東十五里淖馬村

威德寺在城西北四十里西煙村明嘉靖三十四年僧永成修

天王寺在城北四十里范家村元時建明洪武十五年重修

國朝康熙三十八年重修有碑

大慈寺在城北五十里萬壽村陂泉山側宋大中祥符六年修熙寧間重修元季毀明宏治十七年王文秀偕僧智昶復修束鹿刁毅撰記嘉靖十八年僧明清重葺有碑

元泉寺在城西北五十里山中上有七佛堂峭岩滴水額

曰元泉有宋崇寧年石碣明洪武間僧乏水就流而居
岩阿尤勝亦號元泉嘉靖間僧如愚建藏經閣寺舊汲
水於汾僧道源始穿二井隆慶二年釋法海撰碑

金剛寺在城北六十里東張村宋宣和元年勅建明正德
五年僧綱道安重修嘉靖七年任經濟撰記

三覺寺在城北六十里劉村明洪武十二年建

佛堂寺在城北六十五里郁利村金天會間杜潮公捨宅
建元中統間僧衍公增修大德七年僧琮進砌石堰寺
釋道公有戒行相傳龍神聽講能預決風雨又有雲公
圓寂時願殯南河爲建浮圖號鎮水塔

清修寺在城北八十里東黃鼠村東北有唐開元九年墓
誌村卽唐黃鼠鎮也元至元間建明正德二年重修雨

太原府志

卷四十八

寺觀

七

暘蝗蝻必禱歲七月七日祈年報賽田瑞撰記

接待寺舊在南門外今廢

影堂寺在南關明洪武間修

水浴寺在城西二十里桃源洞西

金藏寺在水西關

太平寺在水西關

國初建

熙寧寺在羊市路南

國朝康熙年建

妙覺寺在城南二里東岡村明洪武年重修

眞容寺在城南十里明洪武年修

德雲寺在城南五里元至正七年建明洪武年重修

長興寺在城東四里楊興鎮元至正十九年修

吉祥寺在城東北十五里明洪武十年建永樂八年重修

華嚴寺在城西八十五里石槽村元至正十四年重修

多佛寺在城北三十五里呼延村崛巒山明洪武年建

奉先寺在城西十五里三交村元大德甲辰年建

崇覺寺在城北二十里辛村明洪武年建

資福寺在城西北二十里柴村元至元二年建

大明寺在城西三十里紙坊頭明正統十一年修

廣仁寺在城西三十里西名村明洪武十二年建

天王寺在城北四十里范家村元時建明洪武十五年修

明智寺在城北五十里柏樹村

鄉雲寺在城北九十里辛莊元皇慶元年建

太原府志

卷四十八

寺觀

八

天門寺在城西北六十里天門關內

福勝院在城東北七十里蔡村元至正九年建

寶舉寺在城西一百里河下村明洪武五年修

安國寺在前衛地方

萬安寺在三橋子街三府巷內

太子寺在鐵匠巷今廢

迎福寺在前衛東北角

延慶寺在城東門外地勢壞塏修置清幽冠蓋多遊咏其

中頗稱勝境

寶峯寺在城西百里河下村金天德間建大定間修明洪

武五年重修成化萬歷繼修

悠慶寺在城西北百十里西小店明萬歷乙巳年重修

安善禪寺在城北明成化二十二年建

隆興寺在城西北二十五里張村元元貞二年重修

地藏庵在校尉營

觀音堂一在城北九十里白村金明昌六年建一在南關

水晶宮

淨業庵在城東南十里狄村東旗鼓范明威建正殿三間

張官南張延壽建南殿三間

千壽寺在北關瓜廠明萬歷二十三年僧融盤建初名淨

因禪院爲十方海會禪林晉藩顏曰千壽

國朝順治十八年邑人王澄建文殊閣康熙三十一年重

修四十八年又修乾隆四年

勅賜藏經一部計七千餘卷五年山西巡撫喀爾吉善裝

太原府志

卷四十八

寺觀

九

潢二十七年重修戒壇十五間建舍利塔九級級皆有

佛高三丈

寶林禪院在城東黑土溝明晉藩宦侍建嘉靖戊午重修

立石萬歷二十九年李賦直又撰碑

十方院在東關明崇禎十四年建潘雲翼撰碑

大士庵在城東南隅土人名小五臺舊爲王道行桂子園

後歸河東府改名金粟園有金粟坊桂聚軒歲寒居蒼

雲塢丹藥院有斐堂香雪塢懶雲窩燈然樓樓下爲金

魚池池上架石爲橋有流觴曲水錦雲鄉富春亭清涼

界石槐陰亭超然臺諸勝明季兵燬遂廢

國朝順治丙申巡撫陳應泰給田撰記立石後僧募建文

殊大士二閣康熙六十年大旱知縣沈一葵禱繫舟山

之小五臺歸供神水於文殊閣兩立沛六十一年一葵復禱應雍正三年總督伊都立重修

西方境在東岡村元中統間建勅名妙覺寺詳碑記明隆慶間僧清嘉募修改今名萬歷十二年勒石

卿雲觀在城北九十里太平鄉辛莊藥羅山下元至元十一年全真李志樸建河東山西道按察使西溪王公書額教授伶賢甫撰記志樸弟子張居敬至元二十八年授太原路都道錄所劄付充本宗門下題領勾當三十年授天下元門演道大宗師掌教真人管領諸路道教付身充本宗提點元貞元年重修皇慶元年立碑

西谿觀在城東北九十里高村元至元十五年全真杜志元建提刑按察使史杠撰碑

太原府志

卷四十八

寺觀

十

純陽宮在天衢街貢院東明萬歷二十五年朱新場朱邦祚建相傳規畫皆仙乩布置內八卦樓降筆樓亭洞幽曲對額皆乩筆題碑一一鍾離權乩筆一李太白乩筆元通觀在城東南鐵匠巷舊名天慶宮相傳有李單子者好服單子人謂單子李神仙地故坎而竅土人名海眼單子初就食鴻佑寺僧不爲禮單子艷然懸白鏹竿頭令人投石取鏹至者雲集遂實而平之上建玉皇閣九楹高百餘尺名通明閣爲會城巨觀元韓德麟詩所謂乘興登高閣凭攔眼界寬望中無限景宜向畫圖看者也明洪武初晉恭王建五祖七真殿十五年殿後建道祖法堂正統十年晉憲王佐布政石璞都指揮僉事陳亨於閣前建三清殿十二年勅頒道經一藏凡四百八

十函宏治元年建左右二殿門廊鉢堂兩廡八十六間
繪老子八十一化圖宏治十四年河東王撰記

按天順間百戶李斌修閣記唐太和三年重修宮與
閣皆權輿於唐閣猶唐時建造自太和迄今如魯靈
光之巋然獨存也萬歷中碑記唐太和三年李單子
神仙建閣舊志又載元中統元年建考欽頒道藏經
息字函載元按察使王博文撰棲真子墓碑稱單子
治病禱雨奇驗太宗三年辛卯府尹石抹公請住持
天慶故宮以興復崇建爲事具見榮祿宋公撰萬壽
宮碑據此則爲古觀無疑太宗辛卯去中統三十餘
年舊志似誤其言單子以興復崇建爲事則觀始自
唐閣或單子勅建抑中統中別有修建而舊志畧而
不詳與河東王記又謂觀有李單子塑像相傳卽始
建閣者抑唐太和三年單子勅建而李記誤作修與
觀內又有勅碑

普濟觀在城北郭土人名柏樹園明晉王建

國朝巡撫穆爾賽重修

神清觀在城東十五里淖馬村元延祐六年建明永樂初
修宏治六年壽官王欽病中夢神傳語疾瘳倡修三清
殿寧化河東二王飲佐之地艱於水觀左山下甘泉夜
湧道士張演寶穿洞五又井於山麓度三尺輒得泉嘉
靖十七年霍鵬撰碑隆慶六年王道行又撰碑

太原縣

淨明寺在縣北二里隋仁壽二年建賜額惠明內有塔阿

育王所造舍利塔八萬四千之一也宋太平興國四年太宗降劉繼元詔毀古城塔壞而光仍見詔復建咸平二年三月壬戌大震電風寺塔災六年遣內侍王守真發諸州兵一千三百修之景德三年七月塔成纍髻九級崇一百五十八尺詔以汾州僧啟璘主寺事賜金書九軸歲度五僧大中祥符二年詔廣堂廬五十四間以東封泰山所得芝草十有一本賜之元豐八年呂惠卿撰舍利塔記僧惠素立石元末廢明洪武十八年僧德閔重建併顯光等寺入焉正德十六年重修國朝康熙間再修

華塔寺在縣西三里安仁鄉唐貞觀八年僧法寶建內有無垢淨光佛舍利塔天寶間修宋咸平二年重修元至

太原府志

卷四十八

寺觀

十二

正間塔毀明洪武間復建併明仙定慧明秀流福四寺入焉

宋太宗平河東建塔於太原故城塔毀眞宗欲新之遣內工經度計工二百萬上疑命東頭供奉官侍其曙往減費十九

崇福寺在縣南五里安仁都北齊天保二年僧永安建唐大歷二年修會昌五年廢元至正初重建尋廢明洪武十年重建並上生寺入焉

童子寺在縣西十里龍山上北齊天保七年宏禮禪師建時有二童子見於山有大石似世尊遂鑄佛像高一百七十尺因名童子寺前建燃燈石塔高一丈六尺後鑿二石室以處衆僧顯祖嘗登童子佛寺望并州城曰此

是何等城或曰此是金城湯池天府國上云我謂唐豈是金城此非金城也金天輔元年燬於兵明嘉靖初僧道永重建

懸甕寺在縣西南十里懸甕山魏熙平初沙門靈辨造華嚴論於此北齊天保三年僧離辨建緣山鑿石室宋仁宗時地震寺廢元至正三年修

奉聖寺在晉祠南唐武德五年鄂國公尉遲恭禮釋滿公捐別墅創建高祖賜額十方奉聖禪寺公遺像在焉金貞祐間兵燬正殿中殿法堂窳堵波僅存元初釋洪智重建後希深一間淺公浩公杲公昌公惠公喜公胥有戒行歷加繕葺皇慶二年王居實撰碑至正十八年災明洪武二十四年併明月龍福二寺入焉內刻唐李德

太原府志

卷四十八

寺觀

十三

裕爲張宏靖祭唐叔虞文

明月寺在縣南十里晉祠東

雨花寺在縣西南十里明仙谷明洪武十年重建

上生寺在縣西南十里晉源都北齊天統二年僧清輝建

明永樂十四年重建

太山寺在縣西十里風谷山麓唐景雲元年建明洪武二十四年併觀音童子五寺入焉

明仙寺在縣西南十里龍山金天會二年僧淨慧建五洞石室三龕內有宋元豐八年呂惠卿撰三聖堂銘碑蘇過書詩石碣元彥齡明王瑄史士舉胥有詩

彌勒寺在縣北十里武家庄

崇聖寺在縣東十里汾河西宋太平興國四年太宗平劉

繼元毀太原城置平晉縣於汾東改行在爲佛寺賜號平晉一名回鑾御製平晉記并賦及五七言詩刻石寺

中大中祥符二年改額崇聖皇佑五年奉太宗御容於

資聖院統平殿宋禮志太宗取劉繼元於并州是太平

宗嘉佑元年統平殿災詔復加崇建諫官范鎮言并州

御殿未幾輒焚天意若曰祖宗御容非郡國所宜奉安

者近聞下并州復加崇建是徒事土木重困民力非所熙寧初汾水溢寺毀元豐二年詔重建殿堂樓

閣三百六十餘楹左右淨房十區以處僧衆後墻垣爲

館舍數十區以待使客外築防千尺崇丈有五尺以防

水患詔韓絳撰記元豐八年立石明宏治十四年碑吼

三日夜一夕沒於汾鄉民復於故趾建殿焉

間居寺在縣西南十二里馬坊山唐貞觀二年僧洪辨建

太原府志

卷四十八

寺觀

十四

元至元七年僧行果修今圯明王珮有詩

大雲寺在縣西北十二里金勝村金大定間建後廢止存

大石佛頭高三尺餘明永樂間重修

法華寺在縣西十五里蒙山北齊天保二年建賜額開化

後鑿石通蹊依山刻佛像高二百尺後主一夜燃油萬

盆光照宮內隋仁壽元年建佛閣改淨明時唐高祖在

藩邸至寺瞻禮夜夢滿空毫光數丈及卽位復改開化

乾寧二年晉王李克用建莊嚴閣自乙卯至己未始成

功三十萬後寢廢晉開運二年節度使北平王劉智遠

重建大閣五層一百三十間創建斗帳四間閣上二十

四窻竹網及麻網一十五扇特蓋行牆五間學士蘇禹

珪撰碑宋淳化元年修釋迦如來舍利二塔元末毀明

洪武十八年晉恭王重建內有元雪峯道行碑王好古
撰唐吳少微金王庭筠明王瓊俱有詩

白雲迎福寺在縣西十五里龍山唐相裴休退隱於此

據縣

志云近歲邑孝廉趙謙德於瓮山得石刻爲白雲迎福
觀順公塔記碑係宋宣和元年所立則白雲迎福寺當
爲白雲迎福觀無疑而
舊志相沿之訛可見矣

六祖寺在縣東十五里劉藍村金大定四年僧明眞建元
至元元年僧桂堂修至正十八年廢明洪武十七年僧
惠空重建併聖壽圓照吉祥諸寺入焉

明秀寺在縣南十五里北郭都

流福寺在縣東十五里汾河西柳林庄

隆福寺在縣南十五里張村

甘泉寺在縣西北十五里開化谷

太原府志

卷四十八

寺觀

十五

普照寺在縣西南十五里馬坊山乃桑維翰祠也今廢

洪福寺在縣南二十里落陽村

顯光寺在縣東北二十里下庄村

觀音寺二一在縣西北二十里黑陀山一在孫家寨 昔

遼永州興王寺有白衣觀音像太宗援石晉自潞州廻
入幽州幸大悲閣指此像曰我夢神人令送石郎卽此
也因移木葉山建廟春秋告賽尊爲家神興軍必告之
乃合符傳箭於諸部由此白衣觀音海內爭建庵寺而
幽并爲尤盛云

天龍寺在縣西南三十里王索西都北齊皇建元年建內
有石室二十四龕石佛四尊隋開皇四年鐫石室銘寺
東一里鑿壁爲池有天龍廟內有千佛樓北漢廣運二

年劉繼元命嬖臣范超冶金爲佛同平章事李暉撰碑
金天會二年廢元至正二年重建明洪武二十四年併
仙巖寺入焉正德初僧道永建高閣以庇石佛嘉靖二
十五年西巖鑿石洞三龕以避兵明釋洪連刺血書五
大部經文於此明總督蘇祐有詩

仙巖寺在縣西南三十里葦谷山北齊天保二年建爲避
暑宮後賜今額有齊主宮存址明周文端經有詩

永寧寺在縣東北三十里吳村

壽聖寺二一在縣東北三十里許壇一在縣東十里温庄
定慧寺在縣西北四十里胡谷里

萬光寺在黃林村

大佛寺在汾水西隋開皇中釋澄空於汾西將鑄佛像鳩

太原府志

卷四十八

寺觀

十六

集金炭二十年啟爐無成又二十年復無成又二十年
登爐巔百尺揚聲語觀者曰吾欲捨命金液倘大像圓
滿後五十年當爲建重閣俄金液赫耀投身而入及啟
爐鐵像高七十尺莊麗端妙毫髮胥具唐開元初天平
軍節度使李勣捐錢七萬緡建重閣覆之北都謂之平
等閣計僧投爐日至是適五十年矣

定國寺東魏建寺新成齊神武謂陳元康温子昇曰昔作
芒山寺碑文時稱絕妙今定國寺碑當使誰作辭也元
康荐祖珽才學乃給筆札就禁所具草二日內成其文
甚麗神武以其工且速特恕罪不問

大基聖寺北齊後主天統五年夏四月詔以并州尙書省
爲之

摩尼寺舊唐書唐元和二年正月庚子回紇請於太原府置摩尼寺許之

斛律寺唐誅宦官晉王憐河東監軍張承業不忍殺匿之斛律寺中按宋太宗平北漢破太原城縱火焚廬舍金元好問詩仙佛所廬百餘所思役天財千萬古爭教一炬成焦土今考其載正史者存之

三級佛寺魏永安三年十二月甲寅孝莊遷於晉陽甲子史紀遺事於城內三級佛寺

興國寺在太原古城温大雅創業起居注隋大業末唐公募兵得數千人兵司總帳以聞請安營處指興國寺曰此其興國者也宜於此寺安處又曰處之興國可謂嘉名

太原府志

卷四十八

寺觀

十七

龍華寺在縣北二十五里

蘭若寺在赤橋官道康熙十一年僧眞明建

南寺在縣南街

空王寺在縣南關

眞人寺在縣南二十里時因有眞人坐化故名焉

觀音堂在縣南關

長春觀在縣西南三里城角村元延祐元年道士劉志元

建學士陳儼撰碑明洪武十八年道士胡維賢重修

聖壽觀在縣西五里蒙山下隋文帝父楊忠爲周將伐齊有功立碑於此今廢

北極觀在縣西唐同光二年建今廢

貞常觀在縣西一里金皇統元年道士杜志義建

昊天觀在縣西十里龍山絕頂元元貞元年披雲子宋德芳建觀東石巖列石室八龕披雲子鑿一曰虛皇二曰三清三曰臥如龕內臥像一傳爲披雲子臥化地四曰元真五曰三天大法師六曰七真七八霄曰辨道凡鑄石像二十有七尊明洪武間併北極觀入焉正德初內官暢英重修是時雲間陸本居石洞以道術著內又有全真庵宋德芳撰碑

眞武觀在縣西北十二里董茹堡北明宏治間修

清真觀在縣北十五里金勝村元延祐二年道士魏道貞建今廢

玉眞觀在縣東北二十里舊平晉縣城內元至元間道士張德雲建

太原府志

卷四十八

寺觀

十八

遇仙觀在縣東三十五里温庄元大德二年道士尹志平建

元眞觀在縣東北三十五里王名村元延祐四年道士張志全建

龍泉觀在縣東南二十五里三賢村元大德五年披雲子宋德芳建

神清觀在晉祠西元至元三十年道士宋德芳建今廢
三聖堂在明仙寺傍有呂惠卿碑記

榆次縣

延壽寺在縣東北金皇統五年僧惠鑑建明宣德三年重葺正德七年增修

常樂寺在縣西南宋嘉祐元年僧福聚建明正德十二年

修嘉靖二十九年重修周鈇記

永壽寺在縣東源渦村漢建寧元年建唐元和十二年自
村東移置今所宋大中祥符年增建經閣併浮圖二
寶真寺在縣東東硯子村唐咸亨二年建金大定八年僧
善仙重修

承宣寺在縣東西硯子村唐咸亨二年建宋熙寧七年僧
妙果重修金大定二年勅賜今額

興教寺在縣東訓谷村宋政和三年僧洪演建中有五龍
聖井水甘潔冬夏無盈涸禱雨輒應

顯聖寺在縣南關東金皇統四年僧廣惠建明洪武十二
年重修

萬壽寺在縣東南趙村宋宣和元年重建

太原府志

卷四十八

寺觀

十九

永平寺在縣東南雙村宋宣和二年重建

化成寺在縣東南楊梁村金天會十一年僧德成重建

眞果寺在縣東南榆城村金皇統五年僧安善建

治平寺在縣東南馬欄村寶峯山頂元至元二年重建下

有龍池清澈可鑒

妙相寺在縣南長壽村唐光宅中建舊有塔宋政和元年

僧志和修今毀

資聖寺在縣南王都村金皇統三年建

惠寂寺在龍白村

保安寺在縣西南褚村金皇統九年建明萬歷十七年重

修尚書褚鈇撰記

廣悟寺在縣西南西白村金皇統九年建明正統十年重

修

延慶寺在縣西南西陽村唐貞觀三年僧宗寬建

雙林寺在縣西北張村宋天聖二年建

圓慶寺在縣西北使趙村唐貞元十一年建明洪武二年

修嘉靖間增葺

聖壽寺在縣龍田村金大定五年僧福顯建

慧日寺在縣東北趙村金皇統三年僧妙廣建嘉靖十五年重修

紫巖寺宋天聖初麻衣和尚法濟臥化於此

壽聖寺在弓村始建無可考

國朝順治六年里人羅紡修寺記云觀明正統成化間碑始知寺之正殿兩廊幾經修易則其來古矣今明時碑

太原府志

卷四十八

寺觀

二十

無存又北席村西胡喬並有壽聖寺

觀音寺在縣東長寧村西北橫依山麓俯映清流頗稱幽

勝明正德中僧清定建一在張慶

小牛山諸佛寺明晉府長史張便記云山有寺廢毀既久

地區尚存嘉靖二十二年有郝才秀者採薪倦臥偶感

異夢因發心修復晉府諸官屬聞之皆出金助焉寺成

晉王賜名諸佛寺

正壽寺在縣北五十里紅砂山樹石泉流景物佳勝

玉泉寺在孟家井村

妙智寺本古刹元延祐初僧明昌重修在聶村

慧寂寺元延祐初建在開白村

禪林寺本古刹元僧聞信重修在西塢村

清修寺元延佑初建歷明洪武至嘉靖間屢修飾朱村王村亦有清修寺

崇聖寺元至正元年建明時修在東白村

金繩寺古寺也在中杜村宋元符中僧崇眞作金繩寺講唯識論從公塔銘尙留寺內石未泐可摹筆畫頗勁整舊志云元至正二年建非也

魯山寺在魯仙山本名靈峯寺元至正初建有高塔萬歷四十年毀於地震

華嚴寺在縣北紫巖山唐李長者通元居此註華嚴經合論後人建寺卽名華嚴寺有長者像有黃龍池山中有長者泉明天啟七年晉王妃萬氏出金重修

崇寧寺在內白村金時建明宏治中修邑人南陽府同知

太原府志

卷四十八

寺觀

二十一

任義爲記寺內有萬年槐一株

安德寺在高平村僧性秀記云村西南古刹本五代之舊初名西林聽經寺宋政和中修明正統初改建至宏治十六年始訖功而寺成

和合寺在中林山寺始於唐末天祐時其廢已久唯址存焉明成化中太谷僧德明因其舊跡募衆復建

眞寶寺舊志載金天德三年重建在福堂村今考在許曲村

安德寺在紫坑村寺有明成化萬歷碑各一文多剝缺其大旨稱建於唐咸通九年增飾於金兵火於元至明復葺萬歷碑又云因年大饑鄉人乃興役召貧者執作民藉得食寺因以新

雞鳴寺在沛霖村有明晉藩松樵散人修寺記云建自唐
貞觀間寺既建而鄉人無蚘蝮之患成化正德萬歷時
皆修

國朝雍正六年復修邑人李文彬爲記

崇化寺在要村 普慈寺在西祁村

金界寺在楊方村 大雄寺在南庄村

靜覺寺在東陽村 洪福寺在郭村

靈隱寺在楊盤村 慈雲寺在演武村

清虛寺在永康村 興國寺在近城村

顯慶寺在峪頭村 福勝寺在韓村

常興寺在王胡村 智覺寺在北田村

顯聖寺在德音村 離相寺在流村

太原府志

卷四十八

寺觀

二十二

壽昌寺在懷仁 法海寺在辛置村

延福寺在高村 清信寺在王香村

禪房寺在傾城村 清靜寺在楊村

興教寺在東趙村 隆道寺在蘇村

妙緣寺在彭村 聖安寺在左傅村

了義寺在藥村 開化寺在季麻村

興隆寺在西榮村 洪佛寺在磚井

集福寺在魏岳村 千佛寺在什貼

興化寺在陳胡村 興盛寺在遠村

菩薩堂在縣北王胡村金大定間重修

水晶院在縣北四十里烏金山內有龍池相傳文殊飲獅

處

眞常觀在縣西元至正七年隱眞子陶志頤建太原路教授張欽記

慶陽觀在縣東南張胡村元中統三年道士石志玉建皇慶四年道士張志欽重修

保全觀在縣南雙塔村金大定二年建

清眞觀在縣西北鳴李村元至正二年道士李志昇建明洪武七年重修

靈應宮在縣東南五里明嘉靖十一年建

萬春宮在縣北聶村金皇統二年建元隱眞子陶志頤修煉於此

養眞觀在福堂村之南續志唯云衆壑環幽千章拱秀懸巖伏穴鳥道層臺足爲勝境而不載立觀年月與道士

太原府志

卷四十八

寺觀

二十三

名姓今考明崇禎中有重修觀叙勒石者文亦多脫中稱創始者爲杜淨暹又有劉致中爲記蓋建於嘉靖乙丑年也

靈眞觀在縣西上營村堡內嘉靖二十七年晉簡王賜道士宮常鸞地三十畝建立褚鈇爲記

天井觀在孟家井未知何時建舊志續志並不載其中有伯靈仙翁祠或以爲上古始爲陶器之人孟家井三百餘家多業陶者故奉而祭之

清虛閣在縣南關先奉玉皇像後知縣雷雨移像城北因供佛其中知縣史記事更名爲清虛閣

元和觀在西長寧村明嘉靖中道士魏常鸞建

修真觀在南庄村本元時舊址康熙三十五年里民重建

後起望雲樓崔嵬高峙頗具勝觀

半瀛庵在峪頭村東五里邑人齊世恩有記詳見藝文順治十八年道士郭守心所建也

太谷縣

資福寺在縣東南金大定二十五年建明洪武間置僧會司楊魔頭棲此能前知晉恭王甚重之

國朝康熙間屢修

天王寺在縣東南元延祐四年建

觀音寺在縣東南金大定二十五年建

普慈寺在縣西南舊名無邊相傳鳳凰元年建卽晉武帝

泰始八年也宋治平中重建改今額元祐五年重修

寶林寺在縣西北宋治平年賜額

太原府志

卷四十八

寺觀

二十四

安禪寺在縣西南元延祐三年建

離相寺在縣西街元延祐七年建

萬安寺二一在縣治後金皇統七年建一在縣南十里西

咸陽村元至元十年建

永康寺在縣南門外明正統二年建

崇勝寺在縣西南三里付井村金大定五年建

大時寺二一在縣西北十里登豐村金皇統三年建一在

縣東北七里韓武都金大定九年建

天仁寺二一在縣北五里上善村宋治平二年建一在縣

東北二十里中孝都宋政和二年建

法安寺二一在縣東北五里韓武都宋嘉祐六年建一在

縣北十五里郭村元至大二年建

光梵寺在縣東十里石像村宋治平四年建

慈濟寺在縣東十里杏林村金大定二年建

聖果寺在縣南十里東咸陽村金皇統八年建

梵天寺在縣南十里東咸都金大定五年建

清涼寺在縣南十里侯城村金皇統九年建

淨覺寺在縣南十里侯城村元至元三年建

福嚴寺在縣南十里侯城村元至大三年建

法雲寺二一在縣南十里張村金皇統八年建一在縣南

二十里四卦村元至元二年建

永慶寺二一在縣西南十里洸村金正統二年建一在縣

東北二十五里信義村元至順二年建

慧明寺在縣東北十里朝陽都元天歷元年建

太原府志

卷四十八

寺觀

二十五

淨信寺在縣東十五里陽邑村唐開元元年建

聖安寺在縣東北十五里胡村宋太平興國二年建

常樂寺在縣東北十五里敦坊都金天會十年建

光化寺在縣西南十五里白城村宋咸平二年建

宣梵寺在縣東南十八里惠安村金承安五年建

萬壽寺在縣東北二十五里小常村金天會元年建

妙香寺在縣東北二十五里小常村金皇統七年建

壽安寺在縣東二十五里太白都金皇統八年建

永安寺在縣東北三十里信義村金天會十二年建

保勝寺在縣東北三十里西薄都村金大定二十五年建

永寧寺在縣東三十里回馬村金明昌五年建

大智寺在縣東三十里西廬村金貞元元年建

安定寺在縣東北三十里西盧都金皇統四年建

壽聖寺二一在縣東三十里小白都元至順元年建一在

縣東北七十里梁平村金正隆三年建

治平寺在縣東北四十里東盧都元延祐六年建

貞寂寺在縣東北四十里大郭村宋大觀元年建

磨龕寺在縣東南三十里由菴谷入山其形如龕上巖額

覆其中幽邃異常日月不流面寺者松柏林林蒼鬱相

向

貞聖寺在縣東南七十里佛谷村金正隆二年建

安靜寺在縣東北七十里梁平村金正隆四年建

普向寺在縣東北四十里任村都金皇統元年建

定明寺在縣東北四十里西薄都金大定四年建

太原府志

卷四十八

寺觀

二十六

法寧寺在縣東四十五里閭村金天會十二年建

寶峯寺在縣東南六十里浮圖村元至治元年建

安淨寺在縣東北七十里梁平村金正隆四年建

崇果寺在縣東北八十里佛谷里宋治平二年建

貞壽寺在縣東南九十里佛谷村金正隆二年建

淨圓寺在縣東北百里佛谷都金皇統二年建

玉眞觀在東門外

迎祥觀在縣東南隅元至正二十三年建卽今城隍廟

隆道觀在縣南鳳凰山下唐時白將軍建宋重修晉陽志

大唐時當里佐命白將軍所修香火之地殘碑剥落不

可讀

龍泉觀在縣東南十三里侯城村元至正十五年建

紫微觀在縣東北十五里胡村元大德七年建

元貞觀在縣東北二十五里信義村宋明道元年建元大

德七年修

又元觀在縣東北五十里曲河都元皇慶二年建

隆道宮在縣南十里侯城村金皇統元年建

神霄宮在縣治東宋崇寧元年建

祁縣

石佛寺在城內舉善坊金明昌年建

善音寺在城內舉善坊明宣德年建

上生寺在縣治南金明昌年建

三教寺在縣治北關外明崇禎間建邑人李而洵撰碑記

明覺寺在縣東北三里會善村元延祐間建

太原府志

卷四十八

寺觀

二十七

仁濟寺在縣西五里東冀都金明昌元年建

清真寺在縣西五里東冀都元至元五年建

清淨寺在縣西北五里北谷豐村元延祐三年建

淨信寺在縣東南七里祁城村金明昌元年建

慈智寺在縣東北七里王村明正德六年建

普照寺在縣西北八里趙城都金明昌二年建

福興寺在縣北八里豐澤村元至順年建

法林寺在縣東南十里小韓村元延祐四年建

普寧寺在縣西北十里修善村元大德八年建

惠安寺在縣東北十里西六支村金承安年建

寶善寺在縣西南十里榮仁村金明昌元年建

集勝寺在縣西十五里西建安村金明昌五年建

勝果寺在縣北十五里東西陽羽二屯中佛像相傳神樹

雕成

法嚴寺在縣東十五里東六支村明嘉靖十年改建

興梵寺在縣東二十里西管村宋天聖三年建

延壽寺在縣東北二十里張庄村元延祐三年建

仁王寺在縣西北二十里西陽羽村金明昌三年建

悟真寺在縣東北二十五里上真都明嘉靖八年修

洪福寺在縣東南二十五里梁村元大德三年建

清法寺在縣東南二十五里中梁都元延祐五年建

洪濟寺在縣北三十里北左村元延祐四年建

觀音寺在縣東北三十五里大安南村元時建

聖覺寺在縣東南三十五里子洪鎮金明昌七年建

太原府志

卷四十八

寺觀

二十八

妙因寺在縣東北三十五里白圭鎮金明昌元年建

幽仙寺在縣東南六十里下幘山宋宣和二年建諸仙禪

師棲此徒全福受法焉

隆興寺在縣南三里郭村明成化二十二年建

教祖寺在縣西南十里榮仁都元至元十八年建

大清觀在縣治麓臺坊街元至正二年建

延祥觀在西關廂街北元至元四年建

保真觀在縣東二十五里東管村金明昌三年建

玉真觀在縣東南二十五里澗壑村東明嘉靖二十七年

改建

遇真觀在縣東北四十里小義村元大德三年建

玉清觀在水馬觀有牡丹甚茂明宏治間王府析移枝遂

槁後村民由省會歸途遇女子求載及觀下車入叩之則烏有也既而花復盛開

通元觀在縣東南十五里故縣村今廢

福生堂在縣西街舊猪市巷康熙二年建

文昌宮二一在縣城東門外康熙十二年建一在縣西北

七里城趙村康熙四十一年建

藥王閣在太清觀後康熙四十三年知縣朱瑄建

徐溝縣

壽聖寺在縣東南隅宋治平間建明宣德嘉靖崇禎間增葺

國朝康熙二十九年重修闔宏泰記

真空寺二一在縣西南隅明嘉靖間建

太原府志

卷四十八

寺觀

二十九

國朝康熙二十二年重建劉宏輔記一在縣東楚王村明

景泰間建

洪福寺在縣東明景泰間建

玉泉寺在縣東北明正德間建

福壽寺在縣東史家社明正德間建

明因寺在縣東賈村

靜寧寺在縣大賞鎮

白雀寺在縣南北內道村明天順間建

大歷寺在縣東南李青村宋紹興間修

福興寺在縣西南高花村明景泰間建燬於兵釋佛幼興

建凡缺材用輒曰某日某當送至至期胥驗

混元寺在縣北隆全堡

國朝康熙三十八年知縣簡能建

千佛洞在縣東關外明萬歷三十四年建

淨會寺在縣南二十里明宣德間建

圓澄寺在縣西郛村明萬歷三十二年建

大覺寺在縣南北內道村明天順年間建

地藏庵在市樓東路北知縣趙良璧創建

淨梵寺在清源鄉西南宋政和三年僧寶嚴建明洪武二

十四年置僧會司

永清寺在清源鄉舊治後元至正二十八年建

普照寺在清源鄉南關西街金大定七年建

大通寺在清源鄉南關昇平街後金皇統二年建

寶嚴寺在清源鄉南關半陂街元元貞二年建

太原府志

卷四十八

寺觀

三十

崇興寺在羅郭都宋皇祐三年建

聖師寺在堯城鎮金天會三年建

化成寺在孟封村元皇慶元年建

寶林寺在青堆北村元延祐二年建

洪濟寺在南安村元元貞二年建

二山寺在故平都元至正二十八年建

永興寺在孔村元至元二十九年建

永勝寺在故驛鎮西宋天聖五年建

清泉寺在故平都中隱山元至正二十四年建明洪武二

十四年併仁山寶嚴永興寶梵四寺入焉寺最幽勝所

謂中隱環青也

淨真寺在白石上都大屋村金皇統四年建

香巖寺在馬峪山金明昌元年建周世科有詩

慈雲寺在梁畢村宋紹聖間建

法雲寺在梁畢村宋元符元年建

寶梵寺在東于村明成化十一年建

崇仁寺在高白鎮金明昌四年建

方山寺在高白鎮西宋端拱年建

三教堂在高白鎮元至元六年建

崇善庵在縣北關廂外明萬歷間建

準提庵在北關外路西

觀音堂一在縣東北隅一在縣東南隅一在縣西南隅一

在北關廂東後街一在南關廂正南一

在西關廂正南一在興賢街東南

太原府志

卷四十八

寺觀

三十一

證覺庵在清源鄉西北隅元至正四年建

南庵在清源鄉南關南門東

淨土庵在清源鄉南關東北隅明萬歷二十三年僧印空
建

上淨庵在清源鄉南關西門外明嘉靖三年建舊名山水
廟

國朝順治十八年知縣和羹重修改今名

法華寺在清源鄉西北隅明萬歷二十七年建今廢

淨修閣在高白鎮明成化二年李氏女善果建恥隸樂籍

習禪於樓年八十五以處子終邑人題額

孝感樓在淨修閣東南隅亦李善果建

觀音閣一在北關廂門樓上一在清源鄉南關昇平街一

在堯城鎮

玉皇閣卽市樓在縣治大街迤南明景泰年建萬歷十九年重修

長春觀在縣西金大定間建

太微觀在縣東南大賞鎮宋延祐二年建

紫微觀在縣西北郝村

太微觀在清源鄉舊治東元大德元年建明洪武中置道會司

元通觀在梁畢村元大德三年建

純陽宮在縣西南隅

交城縣

離相寺在縣東南隅宋大觀元年建明嘉靖間鑄鐵佛舊

太原府志

卷四十八

寺觀

三十二

有塔萬歷二十八年修增高一丈五尺

國朝康熙四十六年重修

永福寺在縣東五里陽渠村

甘寧寺在縣北八十里西治村明嘉靖四十一年建

定慧寺在城西南隅道德坊唐貞觀二年建號西律院宋

太平興國三年改今額元至元二年重建明洪武間置

僧會司永樂九年重修萬歷甲午又修彭憲范記天啟

四年知縣芮浩重修有碑記

壽龍寺在縣西北四十里沙溝村明宏治二年建

數十佛寺在縣北四十里卽數十佛村

惠衆寺在縣南五里西汾陽村宋雍熙四年建明正統三

年修

國朝順治十四年移建村東

天寧寺在縣西北五里卦山號佳勝地唐貞元二年建明
洪武九年修十九年併永福觀音二寺入焉嘉靖間重
修

國朝康熙四十七年知縣洪璟又修并記山門臨壑懸巖
中斷五十三年易石砌數百磴武攀龍記寺上爲毘盧
閣再上爲石佛堂山巔建塔

永寧寺在縣西北二十里石壁山地最幽勝元魏延興二
年建名石壁元中寺太和間修有甘露之應雁門僧曇
鸞魏主號爲神鸞晚移住寺中唐太宗幸北京文德皇
后不豫臨寺見僧綽公詔名山形勝皆表梵刹開元二
十六年僧晉公鑄鐵彌勒像林諤作頌房璘妻高氏書

太原府志

卷四十八

寺觀

三十三

碑書家尤寶之所謂香斂大令也貞元十一年建甘露
無礙義壇甘露垂珠草樹者三日李逢吉撰碑賜名石
壁永寧寺元和間甘露又降賜名龍山石壁永寧禪寺
宋龍潭禪師居寺夜誦華嚴經有鳩鵲二鳥集左右聽
之一日胥墜地死縣北坡底村榮氏孿生二子啼不止
師尋至摩其頂曰勿泣果止稍長胥從師棲北溝西巖
下龍堂凡四十年胥坐化世稱鳩鵲二師巖東有石庵
顯蹟遺像在焉元僧安身多異術中統三年命爲僧錄
司賜禪衣二襲織龍鳳山河最爲工巧貯寺庫中世守
爲重寶至今猶新寺有金章宗詩萬松老人趙點和禱
戴元郝天挺明陳軌鄭正胥有詩

定香寺在縣西南三十里唐大觀二年建明正統九年修

常樂寺在縣西北四十里元魏武定三年鎮遠將軍伏興
建明宣德五年修成化四年重修

壽隆寺在縣西四十里西社村元至元十三年建

衆聖寺在縣西北五十里元至正十年建明景泰五年修

百泉寺在縣北七十里元至正十三年建明正統三年修

興濟寺在縣北九十里宋天聖四年建明景泰六年修

金山寺在縣西九十里明宣德九年建成化四年修

治平寺在縣北一百里屯蘭都宋慶歷二年建明洪武間

併慈氏福勝聖壽興福明福福興六寺入焉

竹林寺在縣北八十里馬鞍山

順雲寺在縣北一百五十里孔河都羊坡村明永樂元年

建

太原府志

卷四十八

寺觀

三十四

千佛古寺在縣北百五十里孔河都羊坡村明正德二年

建

老樹寺縣北二百里明嘉靖八年建寺中有樹枝幹扶疎

上架鐘樓故名俗名老鼠寺

鶴林寺縣北九十里北社村明成化十四年建

僧會寺縣北百十里馬蘭村明天順七年建

演教寺縣北九十里交口村明嘉靖三年建

石佛寺縣北二十五里馬家庄明宏治元年建

慈氏寺縣東北二十里王村

廣修寺縣東十五里覃村

梵庵寺縣東北八里奈林村

清隱寺縣正東十里義望村

福勝寺在義望村

威勝寺縣正東二十五里鄭村

觀音寺縣正東二十里段村

圓明寺縣東北十三里王山金皇統元年建明洪武間修

永樂年間重修

永安寺在縣北三十五里虎喊溝中界高離山之東

洪山寺縣北一百里明正統八年建天順八年修

瑞雲寺縣西一百二十里元至正十三年建明正統九年

修

麻葉寺縣東關北巷

聖壽寺縣北一百二十里盧峪口村明宏治元年建

千佛寺縣北一百里故交村明成化三年建

太原府志

卷四十八

寺觀

三十五

福祥寺縣北一百九十里河北都

東聖寺縣北一百七十里明正統元年建

龍泉寺縣北一百九十里河北都

永興寺在縣北百五十里塌地溝村明正統元年建

離院寺在縣北百四十里關頭村明成化二年建

北禪寺在縣北百七十里龍鬚寨明正德二年建

奉聖寺在縣北百三十里白草溝明正統元年建

桃園寺在縣北一百里雙村明嘉靖二年建

壽寧寺在縣西北四十里曲裡村明正德元年建

平善寺在縣北九十里高昇村明景泰元年建

臥雲庵在縣西北七十里龍頭巖

元真觀在縣西北隅元帥覃公爲道士程志保建定宗

賜志保金冠法衣改額大元眞萬壽宮中統間賜號冲
虛清淨至德眞人自號通眞子至元十七年三月化葬
北山麓王構記觀久廢康熙間重修有碑

栖霞觀在縣西北四十里曲里村元至元年建

崇眞觀在縣西北五十里西社村元中統三年建

文水縣

明教寺在縣西北隅唐貞觀十二年建明洪武間置僧會
司

安禪寺在縣東南隅明宣德年建

蘭若寺在縣南十里下祠都明宣德二年重建舊傳有大

鐘洪武時飛至金陵王岫有詩

多寶寺在縣東二十里元至元十三年建

太原府志

卷四十八

寺觀

三十六

淨居寺在縣南二十五里平陶都金大定間建

洪勝寺在縣西北三十里熊耳山土人呼熊耳寺寺多佳

卉前有牡丹一株穿石而生不資灌溉花艷冶相傳仙

植元時燹復生明晉藩鑿取之旋取旋生一說寺僧惡

尋芳客以湯沃死一日見紅衣婦入寺覓之無踪花復

生云

龍泉寺在縣東北昇泉都唐開元年建

觀音寺在縣東雲周村元至正年建

長樂寺在縣東原西都元至正四年建

寶界寺在縣東南下曲村金大定年建

梵安寺在縣南上賢村有塔高十餘丈宋崇寧二年建

瑞相寺在縣南岳村後魏延昌三年建

甘泉寺在縣西南四十里馬西都明正統年建

崇聖寺在縣西土堂村塔高十丈明正統六年建

東巖寺在縣西北土安都元至正元年建

淨土寺在縣西北榆都明永樂間建

壽寧寺在縣北徐村唐天壽元年建寺前翠柏千株文

胥左紐金學郝俟有詩

保壽寺在韓武東都

廣濟寺在東城都

金池寺

古剎寺俱在崇武都

正念寺在城貴信坊街明宣德年建

廣報寺在縣東南冀周村明景泰年建

太原府志

卷四十八

寺觀

三十七

華嚴寺在縣東南宜韓都明景泰年建

崇武寺在縣東北武午村明永樂年建

陀佛寺在縣南下祠都明天順年建

鐵佛寺在縣南橋頭村明正統十三年建

洪淨寺在縣東南南仁都明洪武年建

曲聖寺在縣南義武都明正統八年建

麻衣寺在縣南趙家莊明洪武十八年建

淨心寺在縣西南馬西都明正統年間建

古城寺在縣東舊城村一在南城都

保安寺在縣東南青安都明宣德年建

普雄寺在縣東三十里明永樂年修

瑞祥寺在縣東永忠都明宣德年修

雲頂寺在光統頭山隈

緣慶寺在縣東武安都元至元六年建

能仁寺在縣南武度都明天順年建

妙音寺在縣東南仁智都明景泰五年建

釋迦寺在縣東豐吳都明正統十二年建

延慶寺在縣東北南安都一在武安都

興道寺在縣東南齊南都明宣德年建

無礙寺一在縣東北獨家都一在韓弓都

北安寺在縣東北北安都元至正年建

護國寺在縣南十里明正統年修

洪福寺在縣東三十里明洪熙元年建

賀天寺在縣東高車都元至正十二年建

太原府志

卷四十八

寺觀

三十八

少林寺在縣東南十五里明陽村

麻衣寺一在縣城內明教坊街一在桑村

吉祥寺在南徐村

滿覺寺在開東都

梵天寺在東賢都

慧明寺在東賢都

慈雲寺在文武都一在保賢都

明仙寺在齊南都

三教寺一在雲周都一在獨家都

思賢寺在思賢都

常清寺在趙村

明會寺在伯魚村

吳天寺在高車都

正廣寺在待賢都

玉泉寺在土安都

石棧寺在土安都

慶喜寺在石東都

慈勝寺在昇泉都

悟真寺在韓弓都

崇壽寺在豐戶都

觀音閣在南街東舊名紅廟

國朝康熙九年岳鳳趙風清等改建

白衣閣在文魁巷東路北邑人闔應祥募衆創建

白衣庵在北街路西小巷

太原府志

卷四十八

寺觀

三十九

觀音堂一在賈家十字一在潘家十字一在楊家巷一在

北家馮家巷

三聖庵在北關路西

華嚴庵在南關路西邑人成瑞募衆建

崇勝禪院宋康定元年勅賜額有碑

元真觀在縣東北隅唐開元二年建明洪武間置道會司

紫雲觀在縣南十里金明昌七年建

凝然觀在縣南十六里武潞村元延祐二年建

元真觀在東北隅唐開元間建

岢嵐州

香嚴寺在州城內肅穆街南宋元豐間建相傳初塑大雄

殿像未竟詰朝寶相衣服胥自成

宏福寺在居仁街西宋宣和間紫衣禪師建明洪武正統間增修天啟二年重葺寺西壁有宋徽宗御筆手詔碑
草偃寺在州南十里王龍都元至正十六年建今廢
雲際寺在州西山石徑盤曲號佳勝地宋天聖年建嘉靖間兵燹汪可受有詩又有下雲際寺在州西四十里宋宣和三年建

塔院寺在州北邱子坡明正統年建

三教寺在州北草城村元元貞二年建

崇典寺在州東北四十里康家會元至正間建

崇梵寺在州西七十里旂竿村金明昌六年建

瑞雲寺在州北八十里東雪山嶺唐貞元十二年建

聖安寺在州北九十里金明昌六年建

太原府志

卷四十八

寺觀

四十

聖水寺在州東南三十里

經堂寺在州北百里五砦南元至元六年建

秀峯寺 華嚴寺 小天澗寺俱在蘆芽山明萬歷間建

白勝庵在城南三十里寺溝會北西岩爲龍崑寺故址

神霄玉清萬壽宮在州治東有宋徽宗御製并書碑刻胥

存

眞慶宮在州東北明正統年建

老子觀在北嶽廟東北

凌霄觀在州東二十里東山下宋宣和年建

嵐縣

龍宮寺在縣西北金明昌中建明洪武間置僧會司宣德
成化間繼葺知縣孫緝記正德十年又修知縣秦鉞記

西古寺在縣西一里黃簽山金明昌年建

興祥寺在城北一里西山麓舊名獅子巖寺明嘉靖間郭
儉創建

國朝康熙丙戌知縣嚴文炳以子疾禱於寺而痊拓建題
今額自為記

水母祠 持國寺

普明寺 龍天寺

常門寺 黑簽寺

石佛寺 小萬寺

靈淵寺 壽聖寺

雲峯寺 寶峯寺

大聖寺 赤龍寺

太原府志 卷四十八 寺觀 四十一

吉祥寺 華藏寺

天寧寺 白衣殿

崇善寺 顯慶寺

栗家村寺 興祥寺

太清觀在縣城北街明宣德間建

天慶觀在縣南門外宋大中祥符年建明洪武初置道會

司宣德天順間繼修

國朝康熙四十八年知縣嚴文炳倡修自為記

延壽觀在縣東南十五里白家庄元至正間建

神霄玉清宮在縣北門外道人趙龜頤飛昇於此

純陽觀在縣西南十里官榜村元至正年建

興縣

慶安寺在縣西北岡元至元十四年建明洪武間置僧會司

崇教寺在縣西三十里唐時建明成化戊戌重修

資福寺在縣西北六十里

福勝寺在縣西山上

龍興寺在縣南五十里

鑿巖寺在縣南百里

清涼寺在縣南二十里

淨土寺在縣西南七十里

顯教寺在縣西南五十里

資福寺在縣西南九十里元時僧智云建

白馬寺在縣西南八十里

太原府志

卷四十八

寺觀

四十二

普通寺在縣西南一百里

土堆寺在縣西南百里

圓明寺在縣西一里崗上

壽聖寺在東郭

白雲寺在縣東五十里

香老寺在縣北六十里

明智寺在縣西北六十里

延福寺在縣東北六十里

觀音寺在縣東北六十里

興福寺在縣東北六十里

龍泉寺在縣東七十里

棲霞觀在縣東北土山巔金明昌間建觀右有通惠泉凡

三穴水出神祠座下尤甘冽注庭內井達於外井兩龍
口一注一洩潛流至水門引入城大旱不涸闔邑賴焉